

8. gr.

Eftir lokunartíma sölubúða er óheimilt að selja á götum eða torgum, eða annarstaðar utan sölubúða kaupmanna nokkurn þann varning, sem ekki má selja nema samkvæmt verzlunarleyfi.

117

8. júlí

9. gr.

Þá, sem komnir eru inn í verzlun fyrir lokunartíma, er heimilt að afgreiða eftir að lokað er.

10. gr.

Lögreglustjóra er heimilt eftir tillögum hreppsnefndar, þegar sérstaklega stendur á, að veita undanþágu frá samþykkt þessari einstaka tilgreinda daga, og til þess að sala fari fram í góðgerðarskyni eða til ágóða fyrir félög, stofnanir og fyrirtæki, sem að dómi lögreglustjóra horfa til almenningsheilla.

11. gr.

Brot á samþykkt þessari varða sektum frá 20 til 500 krónum, og renna sektirnar í sveitarsjóð. Mál út af brotum á samþykkt þessari skal reka sem almenn lögreglumál.

Samþykkt þessi, sem gerð er af hreppsnefnd Suðurfjarðahrepps, samkvæmt lögum nr. 17 1. febrúar 1936, staðfestist hér með til þess að öðlast gildi 1. ágúst 1940, og birtist til eftirbreytni öllum þeim, sem hlut eiga að máli.

Félagsmálaráðuneytið, 8. júlí 1940.

Stefán Jóh. Stefánsson.

Páll Pálmason.

Staðfesting ráðuneytis Íslands á skipulagsskrá fyrir Gjafasjóð Björns Guðmundssonar frá Hjarðarholti, útgefin á venjulegan hátt 8. júlí 1940 af dóms- og kirkjumálaráðherra.

118

8. júlí

Skipulagsskráin er þannig:

SKIPULAGSSKRÁ

fyrir Gjafasjóð Björns Guðmundssonar frá Hjarðarholti.

1. gr.

Sjóðurinn heitir Gjafasjóður Björns Guðmundssonar og Gróu Jónsdóttur frá Hjarðarholti og er eign Stafholtstungnahrepps.

2. gr.

Sjóðurinn er myndaður af andvirði hálftrar jarðarinnar Gljúfurár í Borgarhreppi, og er að upphæð 2600 krónur.

3. gr.

Sjóðurinn ávaxlist í tryggum verðbréfum, sem ætíð séu geymd á eldtryggum stað. Þó er heimilt að ávaxta hann í Söfnunarsjóði Íslands.

118

8. júlí

Sjóðinn skal ávaxta með $\frac{1}{5}$ — fimta hluta — ársvaxta hans, er jafnan skal leggja við höfuðstólinn. Ennfremur má auka sjóðinn með gjöfum, samskotum og öðrum tekjum, er honum kunna að áskotnast.

Höfuðstólinn má aldrei skerða.

4. gr.

5. gr.

Hreppsnefnd Stafholtstungnahrepps hefir alla stjórn sjóðsins á hendi. Hún úthlutar þeim hluta vaxtanna, sem til úthlutunar koma, sem styrk til fátækra manna í hreppnum, og skal það gerast sem mest í samræmi við tilætlan gefandans samkvæmt gjafabréfi hans frá 30. okt. 1863.

6. gr.

Stjórn sjóðsins ber að færa sérstaka bók yfir eignir sjóðsins, tekjur hans og gjöld og færa í hana ársreikning sjóðsins. Sjóðstjórninni ber ennfremur að halda gerðabók fyrir sjóðinn og færa í hana skipulagsskrána og gjafabréf Björns Guðmundssonar og Gróu Jónsdóttur frá Hjarðarholti fyrir jörðinni, fundarsamþykktir, umsóknir um styrk úr sjóðnum, styrkveitingar og ástæður fyrir þeim og annað, sem varðar hag og rekstur sjóðsins.

7. gr.

Eignum og reikningshaldi sjóðsins skal haldið algerlega aðskildum frá eignum og reikningum hreppsins, og ber stjórn sjóðsins að semja árlega sérstakan reikning yfir eignir sjóðsins, tekjur hans og gjöld, er sé látinn fylgja reikningum hreppsins og skal reikningurinn úrskurðaður, endurskoðaður og birtur á sama hátt og hreppsreikningarnir.

Reikningsár sjóðsins skal vera almanaksárið.

8. gr.

Leita ber konungsstaðfestingar á skipulagsskrá þessari og óskast hún birt í B-deild Stjórnartíðindanna.

Svarfhóli, 1. apríl 1939.

Jósep Björnsson. Þorv. T. Jónsson. Kristján F. Björnsson. Tómas Jónasson.

119

9. júlí

SAMÞYKKTIR

Sparisjóðs Aðaldæla.

1. gr.

Sjóðurinn heitir: „Sparisjóður Aðaldæla“. Hann er stofnaður af 50 hluthöfum með 72 hlutabréfum á krónur 25 hvert, samtals krónur 1800, er stendur sem trygging fyrir innistæðufé viðskiptamanna. Vextir af hlutafé skulu eigi vera hærri en í sparisjóðsdeild Landsbanka Íslands á hverjum tíma og greiðist hluthöfum við hver áramót. Nú verða eigandaskipti á hlutabréfi, hvort heldur við sölu eða erfð. Skal þá rita nafn hins nýja eiganda á bréfið sjálft og sömuleiðis í gerðabók sjóðsins. Er eignarrétturinn aðeins gildur, að svo sé gert.

2. gr.

Árságóði sjóðsins, að frádregnum reksturskostnaði, skal lagður í sérstakan sjóð, og er það varasjóður sparisjóðsins. Hann ávaxtast í sjóðnum sjálfum og stendur sem trygging fyrir viðskiptum hans.